



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅԱՆ ՊԵՏ**

Ե 40/11-6333
« 16 » 11 2018թ.

ՀՀ, ք Երևան 0061, Արշակունյաց 63
Հեռ.՝ (+374 10) 44-34-80
Հեռ.՝ (+374 10) 44-29-04
Հեռ.՝ (+374 60) 37-77-37
Հեռ.՝ (+374 60) 37-26-56

«ՄԱԿՐՈ ՖՈՒԴ» ՍՊԸ ՏՆՕՐԵՆ՝
Ա.ԴԱՆԻԵԼՅԱՆԻՆ

Հարգելի պարոն Դանիելյան,

ՀՀ ԱՆ քրեակատարողական ծառայության և «ՄԱԿՐՈ ՖՈՒԴ» ՍՊԸ-ի միջև 13.04.2018թ. կնքված «ՀՀ ԱՆ ՔԿՎ-ԲՄԱՊՁԲ-18/1» ծածկագրով պայմանագրի (այսուհետև՝ Պայմանագիր) շրջանակներում, «ՄԱԿՐՈ ՖՈՒԴ» ՍՊԸ-ի կողմից, ՀՀ ԱՆ քրեակատարողական հիմնարկներ մատակարարված «տավարի մսի պահածո» ապրանքատեսակը 19.07.2018թ.-ին, ինչպես նաև 05.09.2018թ.-ին «ՍՏԱՆԴԱՐՏ ԴԻԱԼՈԳ» ՍՊԸ-ի կողմից ենթարկվել էր լաբորատոր փորձաքննության և փորձաքննության արդյունքում «տավարի մսի պահածո» ապրանքատեսակը չի համապատասխանել պայմանագրով նախատեսված տեխնիկական բնութագրին: Պայմանագրի համաձայն՝ Ձեր ընկերությունը պարտավոր էր ՀՀ ԱՆ քրեակատարողական հիմնարկներ մատակարարած տեխնիկական բնութագրին չհամապատասխանող 1198,9 կգ «տավարի մսի պահածո» ապրանքատեսակը, ողջամիտ ժամկետում, փոխարինել Պայմանագրի տեխնիկական բնութագրին համապատասխանող ապրանքով և 05.10.2018թ.-ին ՀՀ ԱՆ «Դատապարտյալների հիվանդանոց» ՔԿ հիմնարկի պահեստում առկա «տավարի մսի պահածո» ապրանքատեսակի ամբողջ քանակը փոխարինվել էր նոր խմբաքանակով, որից հետո 09.10.2018թ.-ին «ՍՏԱՆԴԱՐՏ ԴԻԱԼՈԳ» ՍՊԸ-ի կողմից նոր խմբաքանակից վերցրած նմուշը ենթարկվել էր լաբորատոր փորձաքննության և փորձաքննության արդյունքում «տավարի մսի պահածո» ապրանքատեսակը նորից չէր համապատասխանել պայմանագրով նախատեսված տեխնիկական բնութագրին: Անհամապատասխանության արդյունքները իմանալուց հետո, Դուք դիմել էիք ՔԿ ծառայությանը և խնդրել, որպեսզի հնարավորություն տրվի

նորից իրականացնել չհամապատասխանող ապրանքի փոխարինում, քանի որ Ձեր կողմից փոխվել էր «տավարի մսի պահածո» արտադրող կազմակերպությունը: ՔԿ ծառայությունը ընդառաջ գնալով Ձեր խնդրանքին, հնարավորություն է տվել, որպեսզի «տավարի մսի պահածո» ապրանքատեսակը փոխարինվի Պայմանագրի տեխնիկական բնութագրին համապատասխանող ապրանքով և 27.10.2018թ.-ին փոխարինվել էր նոր խմբաքանակով, որից հետո 29.10.2018թ.-ին «ՍՏԱՆԴԱՐՏ ԴԻԱԼՈԳ» ՍՊԸ-ի կողմից, արդեն նոր արտադրողի կողմից արտադրված, «տավարի մսի պահածո» ապրանքատեսակը ենթարկվել էր լաբորատոր փորձաքննության և փորձաքննության արդյունքում «տավարի մսի պահածո» ապրանքատեսակը նորից չէր համապատասխանել պայմանագրով նախատեսված տեխնիկական բնութագրին: Դուք նորից՝ 07.11.2018թ.-ին, դիմել էիք ՔԿ ծառայությանը և խնդրել, որպեսզի «տավարի մսի պահածո» ապրանքատեսակը հավաստագրված մեկ այլ լաբորատորիայում ենթարկվի փորձաքննության, քանի որ «տավարի մսի պահածո» արտադրող՝ Համլետ Հովսեփյան Ա/Ձ-ն, վստահեցնում է, որ իրենց արտադրանքը համապատասխանում է պայմանագրով նախատեսված տեխնիկական բնութագրին և «ՍՏԱՆԴԱՐՏ ԴԻԱԼՈԳ» ՍՊԸ-ն այդ արտադրանքի համար տվել է ոչ ճիշտ փորձարկման եզրակացություն: ՀՀ ԱՆ քրեակատարողական ծառայությունը Ձեր խնդրանքը գնահատեց ոչ նպատակահարմար և 12.11.2018թ.-ին իր գրությամբ առաջարկեց, որպեսզի «տավարի մսի պահածո» արտադրող Համլետ Հովսեփյան Ա/Ձ-ն վիճարկի «ՍՏԱՆԴԱՐՏ ԴԻԱԼՈԳ» ՍՊԸ-ի կողմից տրված եզրակացությունը, պաշտպանելով իր արտադրության շահերը, և դրա համար «ՄԱԿՐՈ ՖՈՒԴ» ՍՊԸ-ին տրամադրվեց ևս 3 օր՝ փորձարկման եզրակացությունը վիճարկելու համար: Հաշվի առնելով, որ նշված ժամանակը արդեն լրացել է և չկա «ՍՏԱՆԴԱՐՏ ԴԻԱԼՈԳ» ՍՊԸ-ի կողմից տրված դրական փորձարկման եզրակացություն, և հիմք ընդունելով Պայմանագրի 2.1.7 կետը և 2.1.7.1 կետի ա) ենթակետը՝ ՀՀ ԱՆ քրեակատարողական ծառայությունը 2018թ. նոյեմբերի 16-ից՝ միակողմանի մասնակի լուծում է վերը նշված պայմանագիրը՝ 31198,9 կգ «տավարի մսի պահածո» ապրանքատեսակի մասով, որի ընդհանուր գումարը կազմում է 43616062,2 (քառասուններեք միլիոն վեց հարյուր տասնվեց հազար վաթսուներկու ամբողջ երկու տասնորդական) ՀՀ դրամ: 31198,9 կգ-ը դա Պայմանագրի շրջանակներում «տավարի մսի պահածո» ապրանքատեսակի դեռ չմատակարարված քանակի և ՀՀ ԱՆ ՔԿ հիմնարկների պահեստներում առկա, սակայն Պայմանագրի տեխնիկական բնութագրին չհամապատասխանող քանակների հանրագումարն է (30000 կգ+1198,9 կգ): Նշված

գումարի չափով Պայմանագիրը միակողմանի մասնակի լուծումից հետո՝ «ՀՀ ԱՆ ՔԿՎ-ԲՄԱՊՁԲ-18/1» ծածկագրով պայմանագրի ընդհանուր գումարը կազմում է 55870837,8 (հիսունհինգ միլիոն ութ հարյուր յոթանասուն հազար ութ հարյուր երեսունյոթ ամբողջ ութ տասնորդական) ՀՀ դրամ:

Տեղեկացնում ենք, որ ՀՀ ԱՆ քրեակատարողական ծառայությունը «ՄԱԿՐՈ ՖՈՒԴ» ՍՊԸ-ին վճարման գումարներից ՀՀ ֆինանսների նախարարության կողմից բացված գանձապետական 900005028106 հաշվեհամարին կփոխանցի 497435 (չորս հարյուր իննսունյոթ հազար չորս հարյուր երեսունհինգ) ՀՀ դրամը որպես տուգանք՝ Պայմանագրի 6.3 կետի համաձայն՝(99486900դրամx0,5%), ինչպես նաև ՀՀ ֆինանսների նախարարության կողմից բացված գանձապետական 900005000758 հաշվեհամարին կփոխանցի 6291000 (վեց միլիոն երկու հարյուր իննսունմեկ հազար) ՀՀ դրամը որպես տուժանք՝ պայմանագրի կատարման ապահովման գումար (10%), հիմք՝ ՀՀ կառավարության 4 մայիսի 2017 թվականի N 526-Ն-որոշմամբ հաստատված կարգի 32-րդ կետի 18-րդ ենթակետի դ) կետ:

Մաժամանակ տեղեկացնում ենք, որ «ՄԱԿՐՈ ՖՈՒԴ» ՍՊԸ-ն պետք է ՀՀ ԱՆ քրեակատարողական հիմնարկների պահեստներից ետ վերցնի իր կողմից մատակարարված, սակայն Պայմանագրի տեխնիկական բնութագրին չհամապատասխանող 1198,9 կգ «տավարի մսի պահածո» ապրանքատեսակը, որի գումարը՝ 1676062,2 (մեկ միլիոն վեց հարյուր յոթանասունվեց հազար վաթսուներկու ամբողջ երկու տասնորդական) ՀՀ դրամը, նույնպես պետք է պահվի «ՄԱԿՐՈ ՖՈՒԴ» ՍՊԸ-ին վճարման ենթակա գումարներից:

ՀԱՐԳԱՆՔՈՎ՝

ԱՐԴԱՐԱԴԱՏՈՒԹՅԱՆ ԳՆԴԱՊԵՏ՝



ԱՐՏՅՈՄ ՄԽՈՅԱՆ